

ԿԱՐԱՊԵՏ ԵՐԷՑ.— 1596ին Ս. Յակոբի վանքին մէջ ընդօրինակած է Գառնեցիին օրինակէն Սաղմուսարան մը .

ԿԱՐԱՊԵՏ ԽՍՉԱՏՈՒՐԵԱՆ, ՊՈԼՍԵՑԻ.— Օսմաներէնի քարտուղար Պոլսի Ազգ. Պատրիարքարանի, 1904ին քննչական պաշտօնով կ'այցելէ Ս. Յակոբի վանքը :

ԿԱՐԱՊԵՏ ԿԹՂ. ԶէՅԹՈՒՆՑԻ.— (1725-1729), Ծ. 1661ին, աչկ. Ստեփաննոս եպս. Զէյթունցիի որ առաջնորդն էր Գաղատիոյ († 1697). Զո. Գաղատիա 1681ին, եպս. և առ. Գաղատիոյ 1694ին, համաձայն իր ձեռագիր Աստուածաշուքի յիշատակարանին, ուր գրած է իր Ինֆեանկեսագրոքոքիւնը և ուրկէ կը հասկցուի թէ՛ Կարապետ կթղ. 1705ին ուխտաւորութեամբ կ'այցելէ Ս. Յակոբի վանքը և Գրխտոսի տնօրինական Ս. Տեղերը, ընկերակցութեամբ իր հոգեւոր եղբօր ու հայրենակցին Յովհաննէս վրդ. ի որ ձեռնաստուն աշակերտն էր Գաղատացի Մովսէսի և միւս աշակերտ Մարտիրոս վրդ. ի և ուրիշներու : Վերագարծին կը հանդիպի Կիլիկիա, կ'այցելէ Ս. Ներսէս Շնորհալի հայրապետին գամբարանը և իր ազգականները տեսնելով կը վերադառնայ Գողատիա :

Կարապետ Զէյթունցի կթղ. կ'ընտրուի 1785ին, եւ Պոլսի Մայր եկեղեցիին մէջ կ'օծուի, Կոլտ Յովհ. պարք. ի օրով. Երուսաղէմի Գրիգոր Շղթայակիր պարք. ը շնորհաւորութեան համար յատկապէս կը ղրկէ Երուսաղէմացի Յովհաննէս վրդ. ը (Հաննէ) ու անոր ձեռքով կ'ընծայէ ոսկեղէն և գոհարներով զարդարուած խաչ մը կենաց փայտի մասունքով. Կարապետ կթղ. թէեւ ուխտ ըրած էր կրկին Երուսաղէմ այցելել, բայց ձերութեան պատճառաւ զանց կ'ընէ. միայն իր ուխտի բաժինը և բարեխէրներու նպատար, ինչպէս նաև Ս. Էջմիածնի աթոռակալ Մանուէլ Աստապատցի վրդ. ի նուիրատուութիւնը նորապսակ Հաննէ եպս. ին հետ կը ղրկէ Շղթայակիրն. որուն կը գրէ նաև, որպէսզի այլ ևս վզէն հանէ երկաթէ շղթան : Կարապետ կթղ. Պոլիս գտնուած ժամանակ կը բնակէր Սկիւտարի Ս. Երուսաղէմի Հոգեւունը որուն արեւելեան կողմի պատկից յոյնի մը տունը կը գնէ մէկ ու կէս քէսէ գումարով եւ կը միացնէ Հոգեւան, եւ կը պատուիրէ Կոլտ պարք. ի որպէս զի հարկ եղած նորոգութիւնները կատարել տայ : Նոյն տարին Ս.